

Broj: 01-2401-18/19-10

Datum: 22.02.2019. godina

Na osnovu člana 69. stav (2) tačka e), člana 70. st. 1., 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: 01-2401/19-9 od 21.02.2019. godine, u postupku javne nabavke radova na izgradnji kompostane na sanitarnoj deponiji “Desetine” Tuzla, direktor je donio

ODLUKU

o poništenju postupka javne nabavke radova na izgradnji kompostane na sanitarnoj deponiji “Desetine” Tuzla

Član 1.

Poništava se postupak javne nabavke radova na izgradnji kompostane na sanitarnoj deponiji “Desetine” Tuzla, budući da je cijena prihvatljive ponude ponuđača “CESTOTEHNIK” d.o.o. Tuzla znatno veća od osiguranih sredstava za predmetnu nabavku, a shodno članu 69. stav (2) tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Odjel javne nabavke.

Član 3.

Ova odluka objavit će se na web-stranici www.komunalac.com.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-2401/18-1 od 22.12.2018. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 75.000,00 KM.

Obavijest o nabavci broj: 781-1-3-67-3-31/18 poslata je na objavu dana 31.12.2018. godine, a objavljena je na Portalu javnih nabavki dana 31.12.2018. godine, sažetak obavještenja o nabavci objavljen je u „Sl. glasniku BiH“, broj 1/19 od 11.01.2019. godine

Komisija za javnu nabavku imenovana je Odlukom broj: 01-2401/18 od 22.12.2018. godine. Komisija za javnu nabavku dostavila je dana 21.02.2019. godine Zapisnik o ocjeni ponuda broj: 01-2401/19-8 i preporuku o poništenju postupka javne nabavke broj: 01-2401/19 u postupku javne nabavke nabavke radova na izgradnji kompostane na sanitarnoj deponiji “Desetine” Tuzla.

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1
- da je blagovremeno zaprimljena 1 ponuda

Nadalje, u postupku ocjene provedenog postupka, javne nabavke radova na izgradnji kompostane na sanitarnoj deponiji “Desetine” Tuzla nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da je ponuda ponuđača „CESTOTEHNIK“ d.o.o. Tuzla znatno veća od osiguranih sredstava za predmetnu nabavku, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

Direktor

Mr.sc. Admir Bećirović